

LUTRIJA BOSNE I HERCEGOVINE d.o.o.
S A R A J E V O

Broj: 03-MS- 3238-1/20.
Dana: 05.10.2020. godine

Na osnovu člana 17. Zakona o igrama na sreću ("Službene novine FBiH", broj 48/15 i 60/15) , člana 7.Pravilnika o sadržaju pravila, uvjetima i načinu priređivanja nagradnih igara ("Sl.novine FBiH", broj 30/16 i 63/19) i člana 29. Statuta Lutrije Bosne i Hercegovine d.o.o. Sarajevo ("Sl. novine FBiH" , broj 95/15) na prijedlog Odbora za upravljanje i nadzor na sistemu automata, direktor Lutrije Bosne i Hercegovine, donosi

P R A V I L A
o organizovanju nagradne igre " Odgovori i osvoji!"

Član 1.

Ovim Pravilima detaljno se uređuju uslovi za organizovanje nagradne igre "Odgovori i osvoji!" koju priređuje Lutrija Bosne i Hercegovine d.o.o. Sarajevo, sa sjedištem u Sarajevu, ulica Mehmeda Spahe br. 11., ID broj: 4200496180007, registrovana kod nadležnog suda, čija je djelatnost priređivanje svih vrsta igara na sreću.

Član 2.

Nagradna igra se priređuje u svrhu promocije brendova Lutrije BiH i ista se priređuje u periodu od 15.10.2020.godine do 16.11.2020.godine.

Član 3.

Pravo učešća u ovoj nagradnoj igri nemaju radnici Lutrije BiH.

Član 4.

Nagradna igra se realizuje na slijedeći način:

Svi oni koji u periodu od 15. oktobra do 15. novembra (do 24 sata) posjete web stranicu www.lutrijabih.ba , odgovore na pitanje *Koju igru Lutrije BiH najviše vole igrati?* te ostave obavezne podatke za izvlačenje, učestvuju u nagradnoj igri.

Obavezni podaci su: Ime i prezime, Datum rođenja (maloljetnim osobama nije dozvoljeno učešće u nagradnoj igri), broj telefona za kontakt i e-mail adresa.

Član 5.

Način učešća :

- Učesnici moraju pristupiti stranici web Lutrije BiH

- Učesnici odgovaraju na pitanje klikom na jedan od 6 ponuđenih odgovora i nakon toga ostavljaju podatke: Ime i prezime, Datum rođenja, broj telefona za kontakt i e-mail adresa.
- Jedan učesnik može učestvovati samo jednom (kriterij za utvrđivanje dobitnika je ime i prezime, datum rođenja i broj telefona), u slučaju da se utvrdi da je jedan igrač učestvovao više puta, prilikom izvlačenja će se u obzir uzeti samo prvi unos.
- Učesnici koji nisu ispunili bilo koji od iznad navedenih uslova neće biti uzeti u razmatranje prilikom izvlačenja.
- Učesnici moraju biti punoljetni državljani Bosne i Hercegovine, a ukoliko se prilikom preuzimanja nagrade ustanovi da nisu državljani Bosne i Hercegovine ili da nisu punoljetni, nagrada će biti dodijeljena rezervnom dobitniku sa liste rezervnih dobitnika.
- Nagrade se ne mogu zamijeniti za novac
- Učešćem u nagradnoj igri, igrač prihvata ova Pravila.
- Dobitnici će biti objavljeni na web stranici Organizatora i dobitnici će biti obaviješteni putem mail-a.

Podaci o učesnicima nagradne igre će se koristiti u svrhu izvlačenja dobitnika te periodičnog slanja promotivnih poruka Lutrije BiH. Učesnik iz ove nagradne igre može u bilo kojem momentu zatražiti da ne prima promotivne poruke Lutrije BiH slanjem maila na adresu podrska@lutrijabih.ba.

Član 6.

Ukupan nagradni fond iznosi 9.987,82 KM sa PDV-om i sastoji se od:

R.br	Nagrade	Količina	Jedinična cijena sa PDV-om	Ukupna cijena sa PDV-om
1.	Gaming konzola (play station 4 slim)	2	549,32 KM	1.098,64 KM
2.	Smartphone (Samsung A51)	4	676,26 KM	2.705,04 KM
3.	TV (Samsung 50 TU7002)	2	743,76 KM	1.487,52 KM
4.	Tablet (7 inch-Alcatel 1T)	3	319,06 KM	957,18 KM
5.	Smart Watch (Huawei watch - Gt-2e)	2	369,72 KM	739,44 KM

+ 100 x Poklon paket srećaka Lutrije BiH u vrijednosti po 30,00KM, Ukupno 3.000,00KM.
Ukupan iznos nagrada kao i porez na dobitke snosi Lutrija Bosne i Hercegovine i isti finansira iz vlastitih sredstava.

Član 7.

Ukupni troškovi organizovanja igre iznose 11.413,51 KM i sastoje se od:

- Nagradni fond 9.987,82 KM
- 6 % ukupne vrijednosti 599,27 KM nagradnog fonda-human
- porez na dobitke 776,42 KM
- taksa na Rješenje o organ. igre 50,00 KM.

Član 8.

Izvlačenje nagrada je javno.

Dobitnici nagrada će biti birani slučajnim elektronskim odabirom (random metoda) uz prisustvo tročlane komisije imenovane od strane direktora.

Član 9.

Odabir dobitnika će se vršiti random metodom, dana 16.11.2020. godine, u sjedištu Lutrije BiH u Sarajevu, u ul. Mehmeda Spahe br.11.

Član 10.

Komisija će utvrditi konačnu listu dobitnika, te o svemu sastaviti Zapisnik sa podacima o dobitnicima i nagradama.

Član 11.

Dobitnici nagrada bit će objavljeni putem web stranice www.lutrijabih.ba, dana, 17.11.2020. godine, a dobitnici će biti obaviješteni o ostvarenom dobitku pismenim putem najkasnije u roku od 8 dana.

Član 12.

Nagrade se preuzimaju u sjedištu Lutrije BiH, u ul. Mehmeda Spahe br.11, Sarajevo. Dobitnik bilo koje nagrade, prilikom preuzimanja iste mora priložiti na uvid ličnu kartu.

Član 13.

Rok za preuzimanje nagrada je 30 /trideset/ dana od dana prijema pismene obavijesti od strane Lutrije BiH.

Član 14.

Ako dobitnici nagrada u roku iz člana 12. ovih Pravila ne preuzmu osvojene nagrade, stručne službe Lutrije BiH će u roku od 8 dana od isteka navedenog roka, ponovno uputiti pisanu obavijest dobitnicima nagrade, te odrediti naknadni rok za preuzimanje nagrade.

Ako dobitnici nagrada ni u naknadnom roku iz stava 1.ovog člana ne preuzmu osvojenu nagradu, gube pravo na nagradu, a priređivač je dužan postupiti na način

propisan članom 11. Pravilnika o sadržaju pravila, uslovima i načinu priređivanja nagradnih igara.

Član 15.

Učestvovanjem u nagradnoj igri učesnici se slažu i obavezuju se poštovati Pravila nagradne igre.

Učesnici učestvovanjem u nagradnoj igri neopozivo prihvataju da je Priređivač ovlašten u reklamne svrhe koristiti njihovu fotografiju i ime i prezime, kao i fotografije nastale prilikom preuzimanja nagrade u sjedištu Priređivača.

Član 16.

Priređivač zadržava pravo otkazati, prekinuti ili staviti u stanje mirovanja nagradnu igru u slučaju više sile, zaraze računarskim virusom, bagova, manipulacije, neovlaštenog zahvata, prevare, tehničkog kvara, ljudske pogreške koja je izvan kontrole Priređivača, ako je time ugroženo upravljanje, sigurnost, pravičnost, etičnost ili ispravna provedba nagradne igre.

Član 17.

Priređivač zadržava sva prava izmjene Pravila nagradne igre u bilo koje vrijeme tokom trajanja nagradne igre, uz prethodnu saglasnost Federalnog ministarstva finansija. Svaka promjena nagradne igre, uključujući produženje ili skraćivanje trajanja nagradne igre, bit će objavljena na web stranici Lutrije BiH www.lutrijabih.ba, te počinje vrijediti od datuma objave.

Član 18.

Priređivač ne preuzima odgovornost o znanju učesnika o promjenama pravila nagradne igre sve dok su te promjene objavljene na web stranici Priređivača.

Član 19.

Priređivač ne preuzima odgovornost u slučaju da je dobitnik pružio netačne podatke ili informacije, koje su dovele do nemogućnosti dodjeljivanja nagrade.

Član 20.

Svi sporovi između Priređivača i učesnika ove nagradne igre bit će riješeni sporazumno, a u slučaju spora mjesno i stvarno je nadležan Općinski sud u Sarajevu.

Član 21.

Nagradna igra na Facebook i Instagram stranici Lutrije BiH je jasno i nedvosmisleno odvojena od navedenih društvenih mreža. Facebook i Instagram ni na koji način ne

sponzoriraju, promoviraju ili administriraju nagradnu igru. Facebook i Instagram ni na koji način nisu odgovorni za organizaciju i provođenje nagradne igre, te nemaju nikakvu odgovornost u slučaju eventualnih sporova.

Član 22.

Ova Pravila stupaju na snagu danom donošenja a primjenjuju se narednog dana od dana objavljivanja u jednoj od dnevnih novina i na web stranici priređivača.

D I R E K T O R

Edhem Pašukan, s.r.

Na ova Pravila nagradne igre izdato je odobrenje Federalnog Ministarstva finansija/financija broj : UP-05-12-1-828/20 od 08.10.2020. godine.